

Upravni odbor Fonda zdravstvenog osiguranja Brčko distrikta Bosne i Hercegovine, na osnovu člana 42, stav (2) Zakona o zdravstvenom osiguranju Brčko distrikta Bosne i Hercegovine ("Službeni glasnik Brčko distrikta BiH", broj: 1/02, 7/02, 19/07, 2/08 i 34/08) i člana 13, stav (1), tačka f) Statuta Fonda zdravstvenog osiguranja Brčko distrikta BiH ("Službeni glasnik Brčko distrikta BiH", broj: 17/07, 1/08, 3/15 i 7/15), na 39. redovnoj sjednici održanoj 28.07.2015. godine, donosi

PRAVILNIK

O DOPUNI PRAVILNIKA O NAKNADI PUTNIH TROŠKOVA OSIGURANIKA FONDA ZDRAVSTVENOG OSIGURANJA BRČKO DISTRIKTA BiH

Član 1

U članu 3 Pravilnika o naknadi putnih troškova osiguranika Fonda zdravstvenog osiguranja Brčko distrikta BiH, broj: 015-180/7-000022/08 od 22.04.2008. godine i broj: 015-180/7-000022/08-1 od 27.02.2013. godine, iza stava (2), dodaju se stavovi (3), (4), (5), (6), (7) i (8) i glase:

„(3) Ukoliko je osiguraniku Rješenjem Fonda odobren prevoz sanitetom, a prilikom provjere se utvrdi da isti nije koristio iz opravdanih razloga, troškove prevoza ostvaruje u skladu sa članom 4 ovog Pravilnika.

(4) U slučaju da je osiguraniku Rješenjem Fonda odobren prevoz sanitetom, a prilikom provjere se utvrdi da je prevoz sanitetom koristio samo u jednom smjeru (odlazak ili povratak) i da isti iz opravdanih razloga nije koristio u drugom smjeru, naknadu troškova prevoza može ostvariti u iznosu koji predstavlja polovinu iznosa utvrđenog na način previđen članom 4 ovog Pravilnika.

(5) Ukoliko osiguranik koristi zdravstvenu zaštitu u zdravstvenoj ustanovi u mjestu koje je udaljenije od mjesta u kojem je zdravstvena ustanova u koju je upućen Rješenjem Fonda, ima pravo na refundaciju troškova prevoza, s tim da je razliku u visini troškova nastalu zbog odlaska u udaljeniju zdravstvenu ustanovu dužan snositi lično.

(6) Ukoliko osiguranik koristi zdravstvenu zaštitu u zdravstvenoj ustanovi u mjestu čija je udaljenost manja u odnosu na mjesto u kojem je zdravstvena ustanova u koju je upućen Rješenjem Fonda, ima pravo na refundaciju troškova prevoza do mjesta zdravstvene ustanove u kojoj je osiguranik koristio zdravstvenu zaštitu.

(7) Ukoliko osiguranik prilikom odlaska u zdravstvenu ustanovu, u koju je upućen Rješenjem Fonda, ne ostvari zdravstvenu zaštitu iz opravdanih razloga (tehnički kvar na medicinskim sredstvima, odsustvo zdravstvenog radnika ili zdravstvenog saradnika, loše zdravstveno stanje pacijenta i sl.), koji su potvrđeni od strane ovlašćenog lica zdravstvene ustanove u koju je upućen, osiguraniku mogu biti odobrena najviše dva putna troška po jednom Rješenju Fonda.

(8) Ako je zbog prirode medicinskih usluga jednim Rješenjem Fonda odobreno više odlazaka u jednu ili više zdravstvenih ustanova, osiguranik ima pravo na naknadu troškova prevoza za svaki odobreni odlazak za čiju naknadu ispunjava i druge Pravilnikom predviđene uslove.“

Član 2

Ovaj Pravilnik stupa na snagu danom donošenja.

U Brčkom, 28.07.2015. godine

Broj: 015-180/7-000022/08-2

Dostavljeno:

1. Direktor FZO
2. Šefovima Službi FZO (3x)
3. Internom kontroloru
4. Arhivi

Predsjednik Upravnog odbora

Dr Anto Basić

